

類編增廣黃先生大全文集

八

旅寓

次韻道州旅懷見寄

歲華其將晚，霜葉不可風。生理既乏水，歸心鳥飛空。風塵化衣裏，衣裏亦無容。 裙紅人言家無壁，自倚筆有鋒。轉蓬且出北，交臂各衰翁。節身不自愛，明月與君同。露晞百年歇，懣懣方事躬。窮懷酒澹淡，寒意霧冥冥。公尚無恙不見陳元龍。

和范信中寓居崇寧遇雨二首

范侯來尋八桂路，走避俗人如脫兔。衣囊夜雨寄禪家，行潦升階漂兩履。 遣悶悶不離眼前，避愁愁已知人處。爨公直愛民苗未立夏，公憂木水推去。 兩禪有意開壽域，歲晚築室當白堵。心時無屋可藏身，且作五里公超霧。 當年游俠成都路，黃犬蒼鷹馬伐狐。兔二十始肯為儒生，行尋丈人奉巾履。 千江渺然萬山阻，抱衣一囊遍歎。或持劍掛宰上回，亦有酒罷壺中去。 昨來禪榻寄曲肱，上兩傍風破環堵。何時鯨化北溟波，好在豹隱南山霧。

次韻宋楸宗猷居甘泉坊雪後書懷

漢家太史宋公孫，漫逐班行謁帝閭。燕頰封侯空有相，蛾眉傾國自難昏。 家移四壁書侵坐，馬瘦三山葉擁門。安得風帆隨雪水，江南石上對窪尊。

次韻君庸寓慈雲寺待韶惠錢不至

主簿看梅落雪中，閨人應賦首飛蓬。問安兒女音書少，破笑壺觴夢寐同。 馬祖峯前青未了，鬱孤臺下水如空。江山信美思歸去，聽我勞歌亦欲東。

次韻胡彥明同年羈旅京師寄李飛三章一章道其困窮二章勸之歸三章言我亦欲歸耳胡李相甥也故有擯榔之句

看除日月坐中銓，一歲應無官九遷。悲盈盤市門食，詩畫滿枕客床。 留連節物孤朋酒，惱亂隣翁謁子錢。誰料布衣得困窮，且忍試新年。 丁未同升鄉里賢，別離寒暑漫推遷。蕭條羈旅深窮巷，蚤晚聲名上細檀。 碧嶂清江元有宅，白魚黃雀不論錢。擯榔一斛何須得，李氏弟兄佳少年。 畏人重祿難堪力，閱世浮雲易變遷。徐步當車飢當肉，鋤頭為枕草為氈。 元無馬上封侯骨，安用人間使鬼錢。不是朱門爭底事，清溪白石可忘年。

次韻王稚川寄舍

五湖歸夢常苦短，一寸客愁無奈多。慈母每占烏鵲喜，閨人應賦窈窕歌。

百里奚仕秦其妻歌曰百里奚五羊皮懷別時思伏雌少妾多今日富貴忘我為

身如病鶴翅翎短心似亂絲頭緒多此曲朱門歌不得湖南湖北竹枝歌

督役

按田 并序

余與泉端國思道奉檄按馬鞍山東港濬河稻田陂官丁誤引道左次水澤山深徑危泥潦堅冰長幹挾馬僅可以度行五十里遂不容馬步沮洳虎迹新往來烏鳥叢噪荆榛盡日出入乃至河上集近山之農告以獻利者皆以為瀕水為舍居旁治新田果蔬有畦桑棘成行自山之東西皆不可為陂港河源出四頭山支分為三其一盡南出少折而東入舞陽其一稍西流又折而北入石塘河其一港河也出山而東流卒與二水合而入汝河汝河合漕河也吾二人既臨河具知獻利者之狀而余獨有感焉頃歲肉食者以羌胡為憂師老西鄙而士大夫知與不知爭道孫吳覆軍殺將開虜之輕重中國心而富貴者今日比肩近者朝言多在民事欲化西北之麥隴皆為東南之稻田良吏攘臂起郡有召信臣縣有史起矣夫土性者自先王所不能齊而一切不問躡去故苗灌為新田茫茫水陂壟平盡其君子威以法刑其小人毒以鞭朴有舉斯有功有功斯有賞作者之議曰前日吏持印相授以媮眼前而厚利奔於蒼煙野草之間是豈不可笑以余觀之恐其非特未定也觀朝廷之意初不責必成奉承者要必有功遂失之耳語曰事傳三人輒失其真詩曰周姜咨謀蓋使指也今也咨謀者不慘沮以告者未忠信歟夫聽言之道必以事觀之奪民之故習而強以所未嘗其利安在興利者受實賞有田者受實弊郡縣行空文朝廷收虛名名為利民其實害之議者謂之有意於民乎吾不知也以為有功於民乎今既若是矣予既有是言思道屢歎而已是日所至已遠不能歸遂宿水濱民家北風黃草破屋見星月與晁五引酒相酌忽然已醉不知跋涉之勞也綴以詩強思道和之

河水積崢嶸山雪晴索寞幽齋法寒威况復出城郭馬為蝟毛縮人歎狐裘薄泥虎跡交叢社鳥聲樂橋經野燒斷崖值天風落洩雲迷鴻蒙戴石瘦梁幽瘳綠若蒼天扶服如入畫窮幽至河塵落日更槃礴新民數十家飄寓初棲託壯產無惰農荒榛盡開鑿臨流遺官亭悉使呼老弱恩言諭

官意鄣水坡可作春秧百頃杭秋報千倉獲掉頭突應儂吾麥自不惡麥
苗不為稻誠恐非民慶不知肉食者何必苦改作我行疲鞍馬且休用羈
絡艱難相顧歎共道折腰錯勢窮不得已來自取束縛月明夜蕭蕭解衣
寬帶索卧看雲行天北牛掛屋角析薪爨酒鼎與至且相酌

金刀坑迎將家待追漿坑十餘戶山農不至因題其壁

窮鄉阻地險篳苻嘯壤魑惡少擅三窟不承吏追呼老翁燕無凶偃蹇坐
里閭後生集聞見官不禁權輿懷書斥長吏持杖鑿公徒遂令五百里化
為豺豕墟古來沉牛羊檄水臣鱷魚猛虎剥文章矧而民髮膚哀哉奉其
身曾不如鳥烏破家縣令手南面天子除要能伐強梁然後活俾孤屬為
民父母未教忍先誅山川甚秀拔人物亦詩書十室有忠信此鄉何獨無

宿清泉寺

山農居負山呼集來苦遲既來授政役謠詠謂余欺極省其家資可忍鞭
挾之恩言謂公家疑阻久迺隨膝口終自愧吾敢之王師官寧渾淹留職
在拊婢整所將部曲多溷汝父老為西山失半壁且復下囊輜啼鴉散篇
秩休吏稅巾衣石泉鼓坎坎竹風吹參差書於行熠燿壁蟲催行機昏缸

將歸葉先寄明復季常

初日照屋山好鳥弄簷角卷簾吏却掃齋舍苦蕭索呼兒芻春醪期與夫
子酌簡書驅我出衝雪凍兩脚莫行星輝輝曉起雞喔喔青煙過空村商
旅無遠憂豈不欲少留王事苦敦薄平生白眼人今日折腰諾可冷五斗
米奪我一溪樂公等何道送睥睨寄講學談筆振清風基局落秋霞雲陰
秋濛濛山路險鞞確嶺無告歸軒使我數日惡羸駢逆歸心旋潭蹶霜灑
悲嘶惜鄣泥短篋冷難捉南征喜氣動迎面蛛絲落實網鱸金橙歸償炊
黍約

過家

絡緯聲轉急田車寒不運兒時手種柳上與雲雨近告旁舊屨保少換老
欲盡宰木鬱蒼蒼田園變畦畛招延屈父黨勞問走婚親歸來翻作客顧
影良自哂一生莘託水方事雪侵鬢夜闌風墮霜乾葉落成陣燈花何故
喜大是報書信親年當喜懼兒齒欲毀亂繫舩三百里去夢無一寸

明叔和示過家輒復少韻

敝邑荷佳政耕桑及時運令君平生歡遠別喜親近吾友徐光祿死戰萬

事盡不見東陵侯唯見瓜連畝且當置是事椎牛會賓親百年共如此破
涕作嘲哂枯荷野塘水照影驚鵝鬢功名黃梁炊成敗白蟻陣少時無老
境身到乃盡信此來見抱子別日多不亂夜闌如夢寐寒燭泣餘寸

喜知命弟自青原歸

為吏困米鹽曲肱夢靈泉詠非調鼎手正資荷鋤使在公雖勤苦歸喜叔
山禪去我忽數日草蟲傍牀前屋角鳥烏樂行輿響檐石已解分柿栗兒
女開樽前白紵繞祖塔香携青原煙玄珠一百八夜紉湘纈穿高林風落
子老僧選霜堅袖中出新詩山水含碧鮮五言吾老矣佳句付東蓮

次韻晁元忠西歸

我曰失耕耘暮拾枯莛其不可食日晏抱長飢猛虎依山林眼有百
步威一從梁鴛食風月何時歸

聖莫如東家長年困行路公養為淹留豈不以食故林薄鳥鵲巢水寒魚
不聚孤士以無家轉蓬何由住

前有熊羆咆後有虎豹號已出澗谷底更陟山阪高五日一併食十年一
繼袍未知歸宿處豈憚鞍馬勞

麗姬封人子弄影愛朝日晉國始得之涕泣甘首疾憂危與安樂一生誰
能必同床食芻豢通海占赫示夫

怨句識之推商歌知審戚我占晁氏賢乃在賦行役同游弄穀中僅免非
尔力自自今如此去邦將安適

執避惡木陰渴辭盜泉水曾回勝母車不浴抱玉淚晁氏猛虎行皦皦壯
士意人生高唐觀有情何能已晁詩云安得龍山潮駕回實何
水從樓前來中有美人淚

腰垂九井璫耳著明月璫蘭孫結襟帶芰荷製衣裳其人雖其遠其室大
道傍當身不著意千載永相望

風雨去家行手龜面鰲魚屠龍非世資學問求自得我思春令詩同飛復
同息兄弟無相素急難要羽翼

人言貧在家殊勝富作客雞棲牛羊下君子亦安直千里求明師營糧從
事役學問非物外室虛生純白

開田望食麥春隴無秀色深耕不償勤牛耳徒濕濕豐凶誰主張坐令愁
煎迫何清會有時得酒洒骨臆

還家呈伯氏葉駘作

去日櫻桃初破花歸來着子如紅豆四時驅迫少須臾兩鬢飄零成老醜
永懷往在江南日原上急難風雨後私田苦薄王稅多諸弟號寒諸妹瘦
扶將白髮渡江來吾二人如左右手苟從祿仕我遭回且慰家貧兄孝友
強趨手板汝陽城更責徐期被訶詬法官毒螫豈自揣丞相霜威人避走
賤貧孤遠蓋如此此事端於我何有一囊粟麥七千錢五人兄弟二十口
官如元亮且折腰心似次山羞曲肘北窈書冊久不開佳篋黃塵生鏤鈕
何當略得共討論况迺雍容把杯酒意氣數腴貴壯年不蚤計之且衰朽
安得短船萬里隨江風養魚去作陶朱公斑衣奉親伯與儂四方上下相
依從用舍由人不由己迺是伏轅駒憤耳

何主簿蕭齋郎贈詩思家甚苦戲和答之

善吟閨怨斷人腸二妙風流不可當傅粉未歸啼玉筋吹笙無伴遊銀篋
睡添鄉夢客床冷瘦盡腰圍衣帶長天性少情詩亦少羨他蕭史與何郎

次韻喜陳吉老還家二絕

公庭無事吏人休垂箔寒廳對赤秋催織青籠篋白酒竹爐煨栗煮雞頭
夜寒客枕多歸夢歸得黃柑紫蔗秋小雨對談揮麈尾青燈分坐寫蠅頭

再次韻和答吉老二首

水宿風食甚勞苦勉旃吾子富春秋我愧疲民欲歸去麥田春雨把鋤頭
賢勞王事一歸休霜落園林失九秋想得君家烏鵲喜蛛絲縈繞玉搔頭

到官歸志浩然二絕

雨洗風吹桃李淨訟聲聒盡鳥聲暮滿船明月從此去本是江湖寂寞人
鳥鳥未覺常先曉筭籬登盤始見春斂手還他能者作從來刀筆不如人

江南

夢寐江南未得歸清波鷓子上釣肥五年身屬官倉米輸與漁人坐釣磯

和裴仲謀雨中自石塘歸

裴友西來詠古風驅馳萬象筆端空尚將物色留分我遠近青山煙雨中

會遇

次韻答叔原會叔照房呈稚川

客愁非一種歷亂如窰房食甘念慈母衣綻懷孟光我家猶北門王子渺
湖湘寄書無雁來衰草漫寒塘故人哀土孫交味耐久長置酒相暖熱慙
於冬飲湯吾儕擬絕處不減願長庚得開枯木坐冷日下午牛羊坐有稻田

衲頗薰知見香勝談初覺暫脩綆汲銀床聲名九鼎重冠蓋萬夫望老澤
不掛眼看蝸書屋梁韻與境俱勝意將言兩忘出門事袞袞斗柄莫昂昂
月色麗雙闕雪雲浮建章苦寒與處避唯欲酒中藏

次韻叔原會寂照房得照字

風雨思齊詩草不怨楚調本無心擊排勝日用歌嘯僧窈柔煙底清絕對
二妙俱含萬里情雪梅開嶺徼我斬風味淺砌莎慕松為中朝盛人物誰
與開顏笑一公老諳事似解寂寞釣對之空嘆嗟樓閣重晚照

次韻稚川會寂照房得寂字

平生萬里興斂退著寸尺向來類竊缺少日已爭席曩過招提飯慙當見
為適食鮭如舉士名下無遺索談餘天雨花茶罷風生腋誰言塵土中有
此坐上客豆前傾許可曾次開壩塞同是蠢黠癡還歸理編冊長安千門
雪解黃能有白更約載酒行無為守岑寂

次韻子真會靈源廟下池亭

駁馬著堤柳置酒臨魏城人賢心故樂地曠眼為明十年風煙散邂逅集
此亭悲歡更世故談話及平生折腰督郵前勉強不見情世味曾淡薄心
源留粹精晴雲有高意闊水無湍聲誰言王安豐定識阮東平

次韻正仲三丈自衡山返命舍驛過外舅師厚贈答

昏昏市井氣咕咕兒女語禽喧聲百種春作事萬緒人間雞黍期天上德
星聚班離略十年髮白齒齟齬太史禱衡立佐王用貔虎子雲免大夫草
玄空自苦人生只尔是付與甕頭醕

奉和楨魚寺丞大康傳舍相逢并寄扶溝程太丞尉氏孫著作二

十韻

扶亭大夫伯淳父平生執鞭所欣慕蚤年學問多東南形阻江山想神遇
阮籍臺邊有一人愛歎非為婚姻故民言令尹明且清玉壺寒冰不受汚
我從王事驅傳馬落日東走駭鷹兔同知鄰境欲過之簡書有程嚴寸步
曾懷作惡無處說天氣昏昏月含霧故人如從空中落遍耳好鳥鳴韶護
野桃窈窕風剪拂官柳低昂春燠响政由人好景亦好燒燭續書疑言聚
同懷兩賢孤此樂無物可為心傾羨鄧侯詩成錦繡段浣花屑玉邀我賦
今年病起踈酒盃醉鄉荆棘歸無路詩窮欲題四壁立奈何可當杜武庫
不似灞橋風雪中半臂騎驢得佳句濟時之材吾豈敢樛櫟初無廊廟具

上車不落強顏耳。伏食官倉等雞。移鳥只欲留公。把酒都畿。千里勤督護。及得歸時。穀雨餘。已剪輕衣。換袍袴。春色衰從一片飛。況迺紛紛不知數。

和高仲本喜相見

雨昏南浦。曾相對。雪滿荆州。喜再逢。有子才如不羈馬。知公心是後彫松。閉書冊。雁多味老。傍人門似更慵。何日晴軒。觀筆硯。一尊相屬。要從容。

詠史

詠史呈徐仲車

諸葛見益州。釋未荅。三顧川流。恨未平。武功原上路。杜微對諸葛。輿致但求去。傾心倚經綸。坐上漫書疏。白鷗渺蒹葭。霜鷓在指呼。借問諸葛公。何如迎主簿。

韓信為黃幾復作

韓生高才跨一世。劉項存亡翻手耳。終然不為負沛公。頗似從容得天意。成阜日夜望救兵。取齊自重身已輕。躡足封王能早寤。豈恨淮陰食千戶。雖知天下有所歸。獨憐身與噲等齊。蒯通狂說不足據。陳豨孺子胡能為。子嘗貫酒淮陰市。韓信朝前木十圍。千年事與浮雲去。想見留侯決是非。丈夫出身佐明主。用舍行藏可自知。功名邂逅軒天地。萬事當觀失意時。

淮陰侯

韓生沈鷲非悍勇。笑出跨下良自重。滕公不斬卽未知。蕭相自追王始用。成安書生自聖賢。左仁右聖兵在咽。萬人背水亦書音。獨駘市并收萬全。功成虜武坐東向。人言將軍真漢將。死狗亨姑置之。此事已足千言垂。君不見丞相商君用。秦國平生趙良頭雪白。

顏闔

顏闔無事躬耕自衣食。翩翩魯公子。要我從事役。輅車來在門。駟馬先拱壁。出門雁使者。隴上不謀國。心知誤將命。非敢憚行役。使人返錫命。戶庭空履跡。中隨衛侯書。起作太子客。誰能明吾心。君子遠伯玉。

書睢陽事後

莫道睢陽覆我師。再與唐祚非公誰。流離顛沛義不辱。去就死生心自知。政使賀蘭非長者。豈妨南人是男兒。乾坤震蕩風塵晦。秋絕宗臣陷賊詩。

題跋

跋子瞻和陶潛詩

子瞻謫嶺南時宰欲殺之飽喫惠州飯細和淵明詩彭澤千載人東坡百
世士出處雖不同風味乃相似東坡云古之詩人有擬古之作矣未有追和古
其好獨於淵明其詩質而實綺麗而實樸自晉劉勰謝李杜諸人皆莫及也吾前
後和其詩凡一百有九篇至其得意自謂不其思淵明然吾之於淵明豈獨好其
詩也故如其為人實有感焉淵明陪終始告歸等語上而窮若每以家弊東西遊
走性剛才出與物多忤自量吾已又始俗患淵明等語此使汝等幼而飢寒淵明此
語蓋實歸也吾言有出而不自知半生出什以
犯世患其所以深懼淵明欲以晚節即觀其乃一也

題子瞻書詩後 六言

詩就金聲玉振書成萬尾銀鈎已作青雲直上何時散髮滄洲

王彦祖忠其祖黃州制草書其後

脫略看時輩諸君等發家蕭蕭常直筆汲黯少居中鵬入遷臣舍烏號
厭世弓平生有嘉樹猶起九原風

題蘇才翁草書壁後 并序

才翁題保安寺云寺前有古松是數百年物余嘗約涼其下松今剪
伐殆盡因感以作詩

老松不得千年壽何況高材傲世人唯有草書三昧法龍蛇天矯鏤黃塵

雜題

借題大雲寺鐘韻

東坡蟬蛻去醉墨猶新濕浩翁吐玉唾舊觀神明集

昔韶陽大士來往翠巖前作雲籠轉輪蓮花經藏艱勤累感乃
成余竄逐万里白頭來歸旋繞歎息崇寧壬午歲三月初六日有
北山社火來轉輪藏予與弟姪偶到藏下適見村民盜經堂僧銅
鏡被擒令負鏡反縛於柱下感之戲作詠

海藏金蓮轉寶篆是蒼苔不見翠巖老唯見梁上君

次韻王荆公題西太一宮壁二首 六言

風急啼鳥未了雨來戰蟻方酣真是真非安在人間北看城南
晚風池蓮香度晴日官槐影西白下長干夢到青門紫曲塵迷

戲書秦少游壁

丁令威化作遼東白鶴歸朱顏未改故人非微服過宋風退飛宋父擁篲
待來歸誰謂伯勞鸚鵡如秦氏庭鳥八九子雅烏之兄畢通尾憶炊門牡
息伏雌未肯增巢令汝棲莫愁野雉踈家雞但願主人印累累
戲題承天寺法堂前柏

樹底蒲團禪老家，高僧倚坐日西斜。有人試問西來事，無處安排玉如意。
方看風幡動，不同不道風幡境，亦空問口已非無。問處高僧不語人，歸去
書石牛溪旁大石上。

鬱鬱窈窕天官宅，諸峯排霄帝木隔。六時謁天開闕鑰，我身金華牧羊客。
羊眠野草我世間，高真衆靈思我還。石盆之中有甘露，青牛駕我山谷路。

戲題

平生性拙觸事真，醉裏笑談多忤人。安得眼前只有清風明月美酒，百船
酬一春。

題山谷大石

畏畏猶佳藉石谷，水聲數數隆隆山。木風爐香四百六十載，開山者誰梁寶公。
題小猿叫驛知命

大猿叫罷小猿啼，箬裏行人白晝迷。燕藤牽頭石齧足，嫗牽兒隨淚綠續。
我亦下行莫啼哭。

戲題巫山縣用杜子美韻

巴俗深留客，吳儂但憶歸。直知難共語，不是故相違。東縣聞銅臭，江陵換
袂衣。丁寧巫峽雨，慎莫暗朝輝。

題海首座壁

騎虎度諸嶺，入鷗同一波。香寒明鼻觀，日永稱頭陀。

題衛南

今年畚鍤弃春耕，折葦枯荷繞壞城。白鳥自多人自少，污泥終濁水終清。
沙場旗鼓千人集，漁父風煙一笛橫。唯有鳴鷗古祠柏，對人猶是向時情。

戲詠江南土風

十月江南未得霜，高林殘水下寒塘。飯香獵戶分熊白，酒熟漁家擘蟹黃。
橘摘金苞隨驛使，禾舂玉粒送官倉。踏歌夜結田神社，游女多隨陌上郎。
洪範以不谷俗人題廳壁二絕次韻和之

寂寥吾道付萬出，忍向時人覓賞音。搔首金城西萬里，樽前從此歎人琴。
埋沒高才釣築間，風雲未會要觀相。南康郡下參軍耳，付與紅塵白眼看。

百花洲雜題

范公種竹水邊亭，漂泊來游一客星。神理不應從此盡，百年草樹至今青。

題瘦驢嶺馬鋪知命

老馬飢嘶驢瘦嶺病人生又鬼門關病人甘作五溪臥老馬猶思十二閑

題李張竹林村

百畝清陰十萬竿一溪流水四圍山太平無用經綸者乞與閑身向此閑

太平州作二首

歐靚菁支柳一隅小梅催拍大海歌舞餘片片梨花雨奈此當塗風月何
千古人心指下傳揚姝煙月過年年不知心向誰邊切彈盡松風欲斷弦

題蘇若蘭回文錦詩圖

千詩織就回文錦如此陽臺暮雨何亦有英靈蘇蕙手只無悔過賈連波

題淨因壁二首

暝倚團蒲挂鉢囊半牀疎箔涼蕉心不展待時雨葵葉為誰頰夕陽

門外黃塵小履聲如雙屐

類編黃先文集卷第二十



[Faint bleed-through text from the reverse side of the page, including characters like '太平州', '歐靚', and '蘇若蘭']

自題

拘士笑大方

拘士笑大方俗吏縛文律當其擅私智轍覆千由失鳥飛與魚潛明哲善
因物欣然領斯會千百無十一崩緜裝太阿付騶斬芻秣風雨晦冥時中
夜鳴不歇張公下世久安得數埋沒齊王好吹竽楚客善鼓瑟衛婦新上
車戒御與管服教母滅寵火徒曰始入室二言至丁寧於理蓋已密主人
皆笑之迺在末適節莊生亦有言外物不可必無地與揮斤者然思即質

觀道二篇

聖人用仁心則傷路傍兒虎狼舐吻血自哺胃與她同在天地間六鑿相
識知父母臨萬物大道其坦夷百年脩不善一日許知非虎狼有後心還
與聖人齊

廉藺向千載凜凜若生者曹李雖無恙如沈九泉下短長略百年共是過
隙馬事來磨其鋒意氣要傾烏風雲滅傾更草木但春夏唯此一物靈不
可藉外假譽髦天下才西伯本心化君無謂斯文可以觀大雅

顏徒貧樂二首

衡門低首過環堵容膝坐因旁無給待百衲自纏裹論事直如絃觀書曲
肱自飢來或乞食有道無不可

小山作朋友義重子與桑香草當姬妾不傾珠翠粧烏鳥窺凍硯星月入
幽房兒報無炊米浩歌繞屋梁

薄薄酒

并序

蘇密州為趙明叔作薄薄酒二章憤世疾邪其言甚高以予觀君之言
近乎知足不辱有馬少游之餘風故代作二章以終其意

薄酒可與忘憂醜婦可與白頭徐行不必駟馬稱身不必狐裘無禍不必受
福甘餐不必食肉富貴於我如浮雲小者謹詞大戮辱一身畏首復畏尾門
多賓客飽僮僕美物必甚惡厚味生五兵匹夫懷璧死百鬼瞰高明醜婦干
秋方歲同室乃金良藥不如無疾薄酒一談一笑勝茶方里封侯不如還家
薄酒終勝飲茶醜婦不是無家醜醜養生等刀鋸深山大澤生龍蛇秦時
東陵千戶食何如門五色瓜傳呼鼓吹擁部曲何如春雨一池蛙性剛
太傅促和藥何如羊裘釣煙沙綺綺席象床瑠玉枕重門夜鼓不停槓何如

一身無四壁，精血明月。卧蒼花，吾聞食人之肉，可隨以鞭朴之戮。乘人之車，可加以鈇鉞之誅。不如薄酒醉眠，牛背醜婦，自能搔背痒。

和虛飄飄

虛飄飄，虛飄飄，花飛不到地，虹起漫成橋。入夢雲千疊，遊空絲萬條。層樓百尺，聳滄海，鴈字一行書。絳霄虛飄飄，比人生命猶堅牢。

遣心寄何十二兄弟二首

晚飯芹羹當食牛，杖藜徐步勝驂騑。鷄破帽，顏居士何似爛羊關內侯。山谷老人來斗南，捧頭有眼許人參。項根只許同元著，不會前三與後二。僮耳歸成地下郎，門人時炷帳前香。張侯見古如夫子，杖拂應來坐雪堂。

慨歎

次韻荅常甫世弼二君不利秋官鬱鬱不平故子詩多及君子處得失事

鵬翼將圖南，垂天上扶搖。飛飛尋常間，深樹乘風蜩。大觀與小智，從事不同條。揚雄老執戟，金張珥漢貂。松柏有本心，蒲柳望秋凋。久矣結舌瘖，狂言始今朝。崔王兩驥子，神俊萬里超。驚人吐嘉句，拔俗振高標。頭來草玄宅，共語清入寥。鄙已願如舜，致君敢不堯。回觀勢利場，內熱作驚潮。趨時愧才全，傲世廼士驕。二生浪許可，彈炙則求鴉。圍碁飯後約，煨栗夜深邀。近來數到門，玉趾不彈遙。相期淡薄處，行樂亦云聊。甘泉佛牛鼎，茗椀方屢瀉。昏鴉相送歸，風枝撼調調。男兒強飲食，九鼎等一瓢。富貴但覺是，執名聲道為。祇世事寒暑耳，四時旋斗杓。勿學懷沙賦，離魂不可招。

次韻荅黃與迪

和氏有尺璧，楚國無人知。青山抱國器，歲月忽如遺。但使玉非石，果有遭逢時。五宗固神秀，天廼晚成之。蘭芳深九畹，露味挹三危。流俗不顧省，古人可前追。曾中凌雲賦，自責知音稀。淵源學未淺，孝友家正肥。與世殊軌轍，三黜理亦宜。吳溪浣沙女，不用朱粉施。豈伊風塵子，市門自夸毗。我作楚道囚，三年始放歸。邂逅終日語，貽我五字詩。句如秋雨晴，遠峰抹脩眉。老馬甘伏櫪，坐看天驥馳。洒掃借楹下，當為果茗期。光陰去易失，日月轉兩儀。仲氏有東園，花竹深可依。寸步不往來，千里常夢思。幾時開後戶，扶策方知茲。

聖東將寓于衛行乞食於齊有可憐之色再次感春韻五首贈之

溫氣外底歸忽忽六過旬園林改柯葉鳥聲日日新耕稼百年外四郊無
短闕高丘試顧望俯仰迹已陳信陵松鬱鬱不見曩時人空懷負膺賞莫
望屬車塵腹中書方卷陌死溝壑濱投壺與射覆一笑物皆春

種萱欲遺憂叢蒿空百綠洗心日三省入亦不我穀誰能書窆下草玄抱
幽獨白首官不遷校書漢天祿身當方戶侯鼓吹擁部曲解佩著犀渠張
弓插彫服何時李將軍射獵出上谷

春風鳴布穀天道似勸分持劔望路人誰能顏色溫笑憶枯魚說談諧老
漆園湘壘不得祿哀怨寫荃蓀千年澗谷松慚塊雨露因魚為方乘器願
掩斧斲羣

風雨桃李華佳人來何暮安齊果未安寓衛豈所寓張侯至縣馨得酒美
無度常憂腐腸死須我嫁阿鷺雙魚傳尺書何處迷春渚啼鳥勸不歸曉
鞍逐行旅遙知登樓興信美非吾土

曾公但食粥百口常憂前金張席貴寵奴隸乘朱軒丈夫倒寒飢方世無
後先風霾天作惡雷亦怒聞聞俄頃花柳靜煙暖谷鳥喧人事每如此翻
覆不常然下流多謗議高位又疾顛空餘壯士志不逐四時遷

次韻惜范生

范公身軀幹小賈有四海心稍懼疑內執不怒見勇沉浩玉市無價汲泉井
方深得失有豪末明年斧可尋

蜀中示人

猪食死人肉人食死猪腸猪不嫌人臭人反道猪香猪死拋水裏人死土
中藏彼此莫相食蓮花生沸湯

流民歎

朔方頻年無好雨五種不入虛春秋迹來后土中夜震有似巨鼉復戴三
山游傾壑摧棟獻老弱冤聲未定隨洪流地文劃斷水窟沸十戶八九生
魚頭稍聞漕漕渡河日數萬河北不知虛幾州壘壘穰穰負粟葉間問舍無
所耕無牛初來猶自得曠土嗟尔後至將何怙刺史守令真分憂明詔良
痛如父母廟堂已用伊呂徒何時眼前見安堵踈遠之謀未易陳市上三
言或成虎禍災流行固無時堯湯水旱人不知相侯之疾初無證扁鵲入
秦始治病投膠益掬俟河清一篲豈能續民命雖然猶願及此春略講周
公十二政風生羣羊口方出奇老生常談幸聽之

次韻答張沙河

張侯堂草身八尺老大無機如漢陰猛摩虎牙取吞噬自歎日月不照臨
策名日已汗軒冕逃去未必焚山林我評君才甚高妙孤竹截管空桑琴
四十未曾成老翁紫驄垂頭鬱鬱森眉宇之間見風雅藍田煙霧生球琳
曾中硯磊政傾酒東海可攬北斗斟古人已悲銅雀上不聞向時清吹音
百年毀譽付誰定取醉自可結舌瘖使公繫腰印如斗驅馬高蓋駢駸駸
親朋改觀婢僕敬成都男子寧與今又言屋底甚懸磬兒婚女嫁取千金
古來聖賢多不飽誰能獨無父母心衆鷓鴣墮地各有命強為百草憂春霖
艾封人子暗自賺與王同床悔沾襟隴鳥入籠左右啄終日思歸碧山岑
一生能幾開口笑何忍更遣百慮復忽投雄篇寫逸興仰占乾文動奎參
自陳使酒官罵坐惜子不與朋合簪石材蜀錦三千丈要在刀尺成衣衾
南朝例有風流癖楚地俗多詞賦淫屈原離騷豈不好只今漂骨滄江潯
政令夷甫開三窟獵以我道皆成禽溫恭忠厚神所勞於魚得計豈厭深
丈夫身在要勉力豈有吾子終陸沉鄙人相士蓋多矣勿作蔡澤笑噤吟

傷歌行四首

草木搖落天沉陰蟋蟀為我商聲吟高明從來與鬼瞰貧賤不能全孝心
蚤知義利有輕重積羽何啻一鈞金莫悲歸妹無錦繡但願教兒和瑟琴
孟氏至誠通竹筴姜詩純孝感淵魚古人常欲養志意君子不惟全髮膚
有妹言歸奉箕箒仰惟出力助兼葦等閑親鬢鬢中白自悔從來色養疎
諸妹欲歸囊褚單值我薄宦多艱難為吏受賂恐得罪豎殺飲水終無歡
求懷遂休一夜夢誰與少緩百憂端古人擇壻求過寡取婦豈為謀飢寒
伯夷不食周武粟程嬰可託趙氏孤死者復生欲無愧受責歸妹況在子
經營百事失本意跣步尋常畏簡書人間若有不稅地判盡筋力終年鋤
癸亥立春日煮茗於石池寺見庚戌中盛二十舅中叔為縣時題
名歎此寺不日而成哀縣學敝而不能復

中叔風流映江左當年桃李自光輝看成佛屋上雲雨不忍學宮荒蕪微
人物深藏青白眼中叔曾中人物了了而木當危言劇論官聯曾近赭黃衣蛛絲柱後惠文

暗樵榨全棄別駕歸

余成詩并序

役者余成忠信不二執郵事八年未嘗見其過其畏得而好德畏不善

而慎罰躬行而心安樂問其部伍蓋自其少時至於今行年六十矣猶
一日也察其私持廉其謹而遠名吾嘗與僚交論其人雖古之學問士
大夫木強而厚於德如第五公胡威未能遠過也此其人豈子夏所謂
雖曰未學吾必謂之學者乎吾貧不能脫其役與之同歸江湖之上作
詩以識愧

丹籍生涯無列鼎白頭忠信可專城自非車騎將軍勢愧使王尼常作兵
晉王尼為兵在大將軍幕府洛中名士王登胡母輔之皆
与尼交將軍聞之因与尼長假遂得离兵尼字季孫也

傷悼

次韻師厚五月十六日視田悼李彦深彦深去年五月十
三日与之遊西郊

南鴈傳尺素飛來卧龍城頗知高臥又忽作田野行湛湛陂水蒲欣欣原
草榮日華耀山川秀色奪目精對酒不滿懷攬物有餘清念惜讀書客遠
人遺世情南畝道觀餉西郊留勸耕共遊如昨日笑語絕平生此士今已
矣眉蓬老無成猶倚謝安石深心撫發悼

哀逝

玉堂岑寂網蜘蛛那復晨粧觀阿姑綠髮朱顏成異物青天白日閉黃壚
人間近別難期信地下相逢果有无萬化途中能邂逅可憐風燭不須更

朱道人下世

桑戶居然同物化青灯猶在讀書檠身如陌上狂風過心似夜來新月明

挽詞

神宗皇帝挽詞

文思昭日月神武用雷霆制作深垂統憂勤減夢齡孫謀開二聖未命對
三靈今代誰班馬能書汗簡青
鈞築收賢輔天人與聖能輝光唐六典度越漢中興百世神宗廟千秋永
裕陵帝御無馬跡空望白雲乘
昔在基皇極師臣論九疇自陵忽為谷天地不藏舟河洛功無憾幽燕策
未收嗣皇朝萬國任妙正興周

司馬文正公挽詞

元祐開皇極功歸用老成惟深万物表不令四時行日者傾三接天乎奠
兩楹堂堂尊德有埋玉勸佳城
國在多艱日人如大雅詩忠清居沒世孝友是生知加璧延諸老靈香手撫

回夷公身與宗社同作太平基

獻納無虛日居然迹已陳清班區玉石寶曆順皇辰更化思鳴鵠遺書似
獲麟易名無異論今代兩二人

毀譽蓋棺了于今名實尊哀榮有天命終始著民言蟬冕三公府深衣獨
樂園平生兩無累憂國愛元元

范忠文公挽詞

信道雖常尔知人乃獨尊書林身老大諫紙字敬傾蓋去三山動人危五
鼎非身保全天子聖元杖送餘生

公在昭陵日文章近赤墀空嗟伏生老不待適英惟去國幾二虎聞韶待
一墮誰言蓋棺了新樂鎖蛛絲

韓獻肅公挽詞

鬱鬱高陽里生才世不孤八龍歸月旦三鳳繼天衢梁壞吾安仰人亡
道固懼空令湖海士愁絕奠生芻

物產元希世風流更折衝疑京兆尹富國大司農遠業終三事仁聲達
九宗方祈酌周斗何意輟秦春

候盡才難日斯人遽隕傾冰枝蔓木稼食昂恨長庚名與具凌車心如頽
水清堂空萬夫表直作閉佳城

王文恭公挽詞

先皇憑玉几末命寄元勳賓日行黃道攀髯上白雲因時成歲律五色補
天文不謂堂堂去今為馬鬣墳

有密深黃閣光輝極上台藏舟移夜壑華屋落泉臺雨紉誰為挽寒笳
故作哀傷心具瞻地無復衣衣來

宗室公壽挽詞

昔在配寧日段莘接貴游題詩奉先幸橫笛寶偉樓天網恢中夏賈誼禁
列侯但聞劉子政頭白更清修

昧旦鳴珂路春朝禁殿班方看分寶玉何意作丘山燕入風榮舞花開日
笑顏空餘杜陵淚一為漢中潛

黃頴州挽詞

恭惟同自出數世復通家惠休沾枯涸忠規補過差曾中明玉石仕路困
風沙尚有平生酒秋原曬菊花

臨民少公老論事長輿通袖有投虛刃時無斲鼻工風流前輩近名實後
人公不謂三日別今成萬事空
公與汝陽守人間孝文稀鶴鳴夜雨常棣倚春暉粉省雙飛入泉臺相
與歸哀笳宛丘道衰涕不勝暉

文安國挽詞

七閩家與千首越海還珠往日推忠厚窮年領轉輸一牀遺杖屨力事委
錙銖豈有蒼茫恨歸巢未拮据
平生翰墨學空走使臣車瞿令能君史歸公好古書秦山刊日月周鼓頌
畋漁不見龍蛇筆新乾研滴蛛

樂壽縣君曰氏挽詞

歸裝衣楚楚家世印壘壘來作箕帚婦不忘蘋藻詩居然成萬古何翅謁
二殿騎省還秋直霜侵鬢蒼衰
剪髮質庭盛齊眉婦禮閑謂宜偕白髮忽去作青山大夢驚胡蝶何時識
珮環哀歌行欲絕丹旌雨斑斑

李濠州挽詞一首

循吏功名兩漢中平生風義最雍容魚遊濠上方云樂鵬在承塵忽告凶
掛劍自知吾已許脫駭不為涕無從百年窮達都歸盡淮水空圍墓上松
礼數最優徐孺子風流不減謝宣城知此別成千古未信斯言隔九京
落日松楸陰隧道西風蕭鼓送韶旌善人報施今如此隴水長寒鳴咽聲

叔父給事挽詞十首

元祐宗臣考十科公居八九未為多功名身後無瑕點孝女生知不琢磨
平生治獄有陰功忠孝臨民父母同顧上推六談卓令宣城老吏識于公
三晉山河數十州頻年水旱不能秋我公出把司農節粟麥還於地上流
更生若訟石中書宰掾非人欲引裾兩帥弄兵幾敗國同時御史更誰如
曾發公家鉅萬錢溝中強祿却生全二齊水後皆禾稼不殺耕牛更可傳
軍容百萬轉風雷獨料王師不戰摧二虜飛書公對獄元豐天子照數回
隴上千山漢節回掃除民賊不為災蜀茶摠入諸蕃市胡馬常從萬里來
廊廟從來不在邊黃扉青瑣慶登賢除書未試回天筆何意佳城到馬前
榮祿常思澤九宗山摧梁壞併成空百年遺恨誰昭洗它日諸郎有父風
晉地無戎周賦曹氏兵賜笏解弓刀六年講武儒冠在不蹋金甯着戰袍

張翔父哀詞并序

張庖民翔父往在皖溪白開泉長安嶺下元豐庚申十月余舟次泉下
剡泉湍茗嘉若人之同臭味蓋已風期與之友於是泉礪泉上斷土出
石罽巖如龜伏而吐源乃名曰靈龜泉勒銘泉石屬裴士章憲之旃梅
百本斬惡木而後行壬戌六月翔父之息耕護翔父之喪過泉下翔父
才德初不在人後俯仰庸人不甚出奇見異其於林泉心安性服之也
作詩清壯能為不經人道語迺回歲晚滄棺曹溪為作哀詞遺耕且諉
翔父之甥胡僧孺唐巨鏡之靈龜泉上以圖不朽

我觀翔父兮白壁黃金莖蘭九畹兮寂寞中林號鍾清角兮蛛以為室子
野骨朽兮誰明此心驥思天衢兮款段參駕西子掃除兮嫫母薦衾方世
一軌兮螻蟻同域志則日月兮與天照臨走官窮海兮齊浪下泉歸舟載
旌兮行路沾襟靈龜伏坎兮古木風雨欵崖銘詩兮金玉同音九原松聲
兮吾得詩友遺稟怨絕兮絡緯霜砧寫哀寒水兮琢詞墜石君有嘉息兮
安知來者之不如今

口號

送會黔南口號

摩園山色醉今朝試問歸程指杓荔子陰成棠棣交竹枝歌是去思謠
陽關一曲悲紅袖巫峽千波怨畫橋歸去天心承雨露雙魚來報舊賓僚
馬上口號呈建始李令 知命

省題

東觀讀未見書

漢規群玉府東觀近宸居詔許無雙士來觀未見書皇文開萬卷家李陋
三餘竹帛森延閣星辰繞直廬諸生起微賤天子賜吹噓願以多聞力論
思補帝裾

歲寒知松栢二首

群陰彫品物松栢尚栢栢老至心惟在相將到歲寒霜嚴御史府雨立大
夫官檠象幄中斷徽絃響下殘光陰一鳥過斬伐五牛難春日輝桃李蒼
顏亦預觀

松栢天生獨青青貫四時心藏後凋節歲有大寒知慘澹冰霜晚輪困

壑姿或容樓蟻不見封彝未見斧斤遲搖落千秋靜
婆娑萬籟悲鄭公扶正觀已

被褐懷珠玉

國士懷珠玉通津不易枉櫝藏心有待褐短義難降寶唾歸青簡晴虹貫
夜窾直言防按劍豈是故迷邦彈雀輕千仞連城買一雙安知藍縷底明
月弄寒江

款塞來享

前朝夏州守來款塞門而聖上開皇極降書付狄鞬擅裘瞻日月務面帶
金屋殿陛閑干羽邊庭息鼓鼙永輸量谷馬不作觸藩羝聲勢常相倚今
聞定五溪

觀成都石經

成都九經石歲久磨射煤寒字畫參差拙文章可鑒觀危邦猶勸講相國校
泐刊群盜煙塵後諸生竹帛殘王春尊孔氏乙夜照甘盤願比求諸野成
書上與字官

類編黃先生大全文集卷第二十一



雜詠

衆人觀俳優

衆人觀俳優誠有可笑時俳儒笑人後所笑動未知非笑是竟舜諸生同
一詞不能解其會何笑侏儒為相公方讀書輪扁釋斧鑿借問作書人已
歸蒿里字至精固不傳所說乃糟粕使道如懷珎分我贍人貧人將遺朋
友誰不獻君親嗚嗚來唯食泯泯去遊魂昭穆才弟兄愚智已子孫愚遊
智者寵智受萬物役奔奔相後先成則自為德勞神不知疲求所不能知
深心著文字有如鳥粘繭敗新為故袴何獨鄭人妻鵠卵待琢抱自憐非
荆鷄誰能起千載化此故紙癡

古夢俠行贈魏鄰幾

翩翩魏公子恐是信陵君高義動衰俗以標對層雲風吹棠棣花一枝落
夷門俯仰少顏色蕭蕭煙景昏已朽朱亥骨倏無子孫衆中氣軒昂把
臂論肺肝沃之紅鸚鵡載以烏賀蘭門前馬嘶急我弟忽扣關謂言空中
落逆旅有仁人老母一解顏刀金難報恩琅玕延未贈交好如弟昆

絕句

春風一曲花十八拚得百醉玉東西露葉煙叢見紅藥猶似舞餘和汗啼

觀化十五首并序

南山之役偶得小詩一十五首書示同懷不及料簡銓次夫物與我若
有境吾不見其邊憂與樂相過乎前不知其所以然此其物化歟亦可
以觀矣故寄名曰觀化

柳外花中百鳥喧相媒相和隔春煙黃昏寂寞無言語恰似人歸鑊管絃
生涯蕭灑似吾廬人在青山遠近居泉響風搖倉玉珮月高雲掃水晶梳
山回路轉水深深欲問津頭谷鳥吟隔岸野花隨意發小蹊猶憶去年尋
風煙漠漠半陰晴人道春歸不見形嫩草已侵水面綠平蕪還破燒痕青
一原風俗異衣裘流落來從綿上州未到清明先禁火還依桑下數千秋

事具王延壽千秋賦

故人夫後絕朱絃不報雙魚已隔年鄰笛風飄月中起碧雲為我作愁天
菰蒲短短未出水渺渺春湖如東雲安得酒船三萬斛棹歌長入白鷗群
不知喜事在誰邊風結燈花何太妍恐是鄰家醅甕熟竹渠今夜滴春泉

柳似羅敷十五餘，宮腰舞罷不勝扶。年年折在行人手，為問春風管得無。
紅羅步障三十里，憶得南溪躑躅花。馬上春風吹夢去，依稀人摘雨前茶。
竹笛初生黃犢角，蕨菜已作小兒拳。試尋野菜炊香飯，便是江南二月天。
身入醉鄉如避秦，醒時塵事百端新。塞鴻過盡家信海，燕歸來思故人。
身前身後與誰同，花落花開畢竟空。千里追尋兩蝸角，百年得意大槐宮。
淘沙邂逅得黃金，莫使沙中著意尋。指月向人人不會，清霄印在碧潭心。
花開歲歲復年年，病眼看花懶晚煙。春去明明紅紫落，清風明月是春前。

擬君子法天運

君子法天運，不言行四時。提提無近功，成歲乃可知。明窺秋毫端，耳察穴
蟻爭。群材極為力，陰拱收視聽。二辰從昏明，萬物安性命。因時有更張，斟
酌如斗柄。細人趁眼前，翻手覆手間。狂風吹長林，何枝鳥能安。頃更誠快
意，狼籍不可言。

集句

陳吉老縣丞同知命弟游青原謁思禪師予以簿領不得往二公
雨久不歸戲作百家衣一首二十韻招之

名曰百家衣今小兒文褌也

天高萬物肅，虛寂在川岑。肅此塵外軫，隨山上嶮欵。列宿正參差，凝霜沾
衣襟。驚鳥縱橫去，孤猿擁條吟。不覩白日景，惟覩松栢陰。南州實炎德，青
翠杳森沉。芳草亦未歇，黃花如散金。中有真寂士，上有嘉樹林。遺掛猶在
壁，藤蘿忽至今。阿閣三重階，曠望極高深。能使高興盡，山水有清音。所在
可遊盤，春醞時獻斟。玄雲拖朱閣，苦雨遂成霖。挾纒如懷冰，夕息憶重衾。
鼓吳達盛觀，何用慰我心。孤燈皎幽幔，願言思所欽。良游常蹉跎，賤與老
相尋。佳人殊未來，忽忘逝景侵。南榮戒其多離思，故難任。明月難暗投，聊
欲投吾簪。

戲贈張叔甫

團扇復團扇，因風託方便。銜泥巢君屋，燕燕令人羨。張公子，時相見。張公
一生江海客，文章獻麒麟。殿文采風流，今尚存。看君不合長貧賤，醉中往
往愛逃禪。解道澄江靜，如練淮南百宗經。行處携手落日回，高宴城上烏
尾畢。浦塵沙立，嗔途惟有摩尼珠。雲夢澤南州，更有赤須胡。與君歌一曲，
長鋏歸來手出無。車食無魚不須聞，此意慘愴幸是元。無免破除脫吾帽，
向君笑有似山開。萬里雲論心，何必先同調。河之水，去悠悠。將家就魚米。

四海一扁舟頭隨雲外多僧氣直到湖南天盡頭潭府邑中其淳古還如
何遜在揚州但得長年飽喫飯苦無官况莫來休

壽聖觀道士黃至明開小隱軒太守徐公為題曰快軒庭堅集句
詠之

金華牧羊兒一粒粟中藏世界使君從南來清風明月不用一錢買買盡
鷓鴣鷓鴣一杯一杯復一杯玉山自倒非人推廬山秀出南斗傍登高
送遠形神開銀河倒挂三石梁歎崖倒石萬壑雷吟詩作賦北窓裏安得
青天化作一張紙有長鯨白齒若雪山我願因之寄千里

銅官縣望五松山

北風無時休崩浪聒天響蚊虻蟪蛄為祟此物神俱王我來五松下白髮三
千丈松門閉青苔惜哉不得往今日天氣嘉清絕心有向子雲性嗜酒况
乃氣清爽此人已成灰懷賢夢寐想衣食當須幾吾得終踈放弱女雖非
男出處同世網搔背牧鷄鵝相見得無恙

同吉志飲清平戲作

飛蓋相追隨携手共行樂我有一樽酒聊厚不為薄瓊木鬱蒼蒼衆鳥欣
一北密竹使逕迷初篁包綠籜有滄與南岑森森散雨足萬物生光輝夕
陰暖平陸蠶月觀時暇振衣聊躑躅沉迷簿領書未嘗廢丘壑土度日清
夷鎮俗在簡約人生非金石親友多零落漆園有傲吏君平獨寂寞所願
從之游逝者如可作

效古

虎號南山

虎號南山民怨吏也虎號南山北風雨雪百夫莫為其下流血相彼暴政
幾何不虎父子相戒是將食汝伊彼大更易我鯨寡矧彼小吏取桎梏以
舞念昔先民求民之瘼今其病之言置于壑出民于水惟夏伯禹今俾我
民是墊平土豈弟君子伊我父母不念赤子今我何怙嗚呼曼天如此罪
何咎三章十句

采菊

采菊傷君子也君子將有為獨立而無攸助是故傷之南山有菊千采其
英誰從汝往視我洵悼伊時之人誰適有比不與我謀不如其已薄言采
之遵彼山曲淇來蓬蓬去我何速伊時之人誰適與同不與我好死其翫

凶江漢滔滔有楫有抗誰以濟此中流且風嗟爾君子時處時默微雲反覆無傷尔足三障章

流水

一溪之水可涉而航人不我直我猶力行一溪之水不扛而涉儒首中流汝嗟何及湯湯流水可以休兮嗟行之人則濯足兮四障章

贈別李次翁

利欲薰心隨人翕張國好駿馬盡為王良不有德人俗無津梁德人天游秋月寒江映徹萬物玲瓏六窓於愛欲泥如蓮生塘戲水超然出泥而香孔竅穿穴明冰其相維乃根華其本含光大雅次翁用心不忘日問月學旅人念鄉能如斯運沓可小康在俗行李密密堂堂觀物慈哀位民慶莊成功萬年付之面牆草衣石質與世低昂

勸學贈孟甥

軻闢揚墨功愈於禹仲子論詩乞紹厥緒喜鑿言易亦自名家一姓幾墜光綿其瓜嘉出江真處獨而清河潤九里外孫淵明雲岫浩然爰及郊簡三詩連蹇尚書則顯洛爾孟孫望洋漢唐其勤斯文對前人光

建除體

定交詩效鮑明遠體呈晁無咎建除滿平定執破危成

建西金為政搖落草木衰除瓜瓞畝淨邵平無米炊滿家色藜藿詩書不期飢平生晁公子政用此時來定交無一物秋月以為期執持荆山璧要我雕琢之破斧不能柯况乃玉無疵危冠論百揆備樂奏四時成功彼有命用舍君自知收身渺江湖歲晚白鳥嬉開徑蒲葦中倚銀望君歸閉塞乃非道不才當爾為

建鼓求亡子元非入耳歌除去綠綺塵水深山出我我滿堂悅秦聲君獨用此何平分感秋節空闊湛金波定夜百蟲息高論聽懸河執攬北斗柄斟酌四時和破屋仰見星得子喜且多危柱無安絃野水自盈科成道在禮樂成山在丘阿收此桑榆景相從寄琢磨開懷溟海闊百怪出蛟鼉閑藏願自愛驚人取譴詞

碾建溪第一奉邀徐天隱奉議劾建除體

建溪有靈草能挽詩人骨除草開三徑為君碾玄月滿甌泛春風詩味生牙舌平山量珠玉以救風雅渴定知胃中有堆瓌非外物執虎探虎穴斬

蛟入蛟室破鏡掛西南夜闌清興發危言諸公上殊勝弄翰墨成仁冒鼎
鑊聞已歸諫列收汝救月弓蛙腹當折裂開雲照四海黃道行竟日閉門
斷車輪出門同軌轍

答徐天隱

建德真樂國萬里渺中州除蕩俗氛盡心如九天秋滿船載明月乃可與
同游平生期斯人共挾風雅軀定知詩客來夜虹貫斗牛執斧修月輪鍊
石補天陬破的千古下乃可泣曹劉危柱鳴哀箏知音初見求成功在漏
刻堯舜去共收收此文章戲往作活國謀開納傾萬方皇極運九疇閉苑
有要道新舊隨材收

重贈徐天隱

建極臨萬邦稽古陛下聖除書日日下有耳家相慶滿意見升平父老扶
杖聽平生所傳聞似仁祖德性存非百世長靈彗弓四夷靜執事當在朝官
吟味未辨破帽風歌散簡易不騎乘危顛相扶持泉石共嘲詠成樂澗阿
中傲世似未敬收潦下秋船期公拜嘉命開元正觀事身得見全盛閉門
長蓬蒿或許老夫病

八音體

八音歌贈晁堯民註長與堯民論出處之致未竟故終言之

金生寒沙中見會別有時石上千年栢材高用苦遲絲亂猶可理心亂不
可治竹齋聞履聲迺是故人來匏苦只多葉水深難為涉土床不安席象
床臥擘擘革與非同功守道非關係不直常先伐栢標萬世葉

八音歌贈晁堯民

金荷酌美酒夫子莫留殘石有補天材虎豹守九關絲窠將柳花入戶撲
衣冠竹風搖水日思與子盤栢匏瓜豈無匹自古同心難革急而韋緩只
在樛化間木桃終報汝藥石理予顏

古音贈鄭彥能

金欲百鍊剛不欲繞拍柔石羊臥芳草一世如蜉蝣絲成蟻自縛智成龜
自囚竹箭天與美豈願作嚆矢匏枯中笙竽不用繫墻隅土偶與木偶未
用相賢愚革轍要合道覆重還不好木訥赤子心百巧令人老

贈無咎

金馬避世客談諧玩漢朝石門抱關人長往閉寂寥絲蟲日夜織勞苦則

以食竹生惟芥斤高林乃其賦匏樽酌吾子雖陋意不淺士德貴重遲水
德貴深遠華能談鯤鵬晚乃得莊周木鴈兩不居相期無待游

二十八宿體

二十八宿歌贈別無咎

虎刺文章犀解角食未下元奇禍作藥材根氏雁斫掘蜜匙奪房抱飢渴
有心無心材慧死人言不加龜曳尾衛平哆口無南箕斗柄指日江使噫
狐腋牛衣同一燠高丘無女甘獨宿虛名挽人受實禍累其既危安與我
室中疑塵散後坐四壁蠹蟲見天下奎蹄曲隈取脂澤婁緒艾殺彼何擇
頤腸倒胃得相知晉日食昂終不疑古來卑命黃垂堂佩君一言等紫解
月沒參橫惜相違秋風金井梧桐落故人過半在鬼錄柳枝贈君當馬策
歲晏星回觀盛德張弓射雉武且力白鷗之翼沒江波抽絃去軫君謂何

藥名體

荆州即事藥名詩

四海無遠志一溪甘遂心牽牛避洗耳卧著桂枝陰
前湖後湖水初夏半夏涼夜闌柳夢破一鴈度衡陽
千里及歸鴻半天河影東家人森戶外笑擁白頭翁
天竺黃卷在人中白髮侵安室獨掃榻自然同此心
垂空青幕六一排風開石友常思我預知子能來
幽間泉石綠閉門聞啄木運柴胡奴歸車前掛生鹿
雨如覆盆來干地沒牛膝回望無武陵天南星斗濕
使君子百姓請雨不旋復守田意飽滿高壁掛龍骨

藥名詩奉送楊十三子問省親清江

楊侯濟北使君子幕府從容理文史府中無事吏蚤休陟屺秋兔寫銀鈎
駝峯桂蠹樽酒綠檮蒲黃昏喚燒燭天南星移醉不歸愛君清如寒水玉
葳蕤韭齋煮餅香別筵君當歸故鄉諸公為子空青眼天明東邊虛薦章
為言同列當推轂豈有妬婦及專房射工含沙幸人過水草獨搖能腐腸
山風轟轟轟虎須愁千金之子戒垂堂壽親頰如木丹色胡麻炊飯玉為漿
落少石上舞林影付與一卮專雌黃叔氣孟意豈奴會可忍冬花不盡觴
春陰滿地膚生紫琵琶催醉喧啄木艷歌驚落葉上塵桃葉桃根斷腸曲
帆驚天衝水花鸞頭東風轉舵才飛廉吹盡別時兩江愁新月夜明沙

效體

宿山家效孟浩然

秋陽沉山西委照，瀟瀟落下霧連煙。氣平濛濛擊中野，空村晚無人。一二小
蝸舍，老翁止客宿。喬木繁茂，馬松爐依絺煙。榻竹昭清夜，幽泉抱除鳴。生
涯渺蕭灑，翫家炊黃梁。殺雞延食罷，閉余所從誰。庸詎學立也，投身解世
紛。恥問老農稼，予生久遭回。自累未一謝，斑斑君親髮。弟妹逼婚嫁，無以
供甘旨。何緣敢閑暇，安得釋此懸。相從老桑柘。

子瞻詩句妙一世，乃云效庭堅體。蓋退之戲效孟郊樊宗師之比，
以文滑稽耳。恐後生不解，故次韻道之。

我詩如曹鄴，淺陋不成邦。公如大國楚，吞五湖三江。赤壁風月笛，玉堂雲
霧窈窕法。提一律堅城，受我降枯松。倒側擊波濤，所舂撞萬牛挽。不前公
乃獨力扛，諸人方嗤點。渠非晁張雙，但懷相識察。牀下拜老龐，小兒未可
知。客或許敦龐，誠堪壻阿巽。買紅纏酒缸。

效韋蘇州十四首并序

二月丙寅率李原彥深謝情公靜游百花洲，適為游人所擅見，拒於晨
門。因賦何人有酒身無事，誰家多竹門可欵之句。行擊馬李氏園步至
廣濟僧舍，謁冠忠公。遂國公祠堂用吏部詩韻作。

雪霽草木動，春融煙景和。嘉辰掩閑坐，如此節物何。同游得二子，晤對不
在多。

不知鞍馬倦，想見洲渚春。清書鏤芳園，誰家停畫輪。高柳極有思，向風招
游人。

漸嘉樓外花，嘉賞真邊柳。作者歸山丘，今春為誰有。千秋萬歲後，還復來
游否。漸嘉樓陽夏謝希深作

城南有佳園，風物迎馬首。但賞主人竹，不賞主人酒。紅日媚紫苔，輕風泛
青柳。

三公未白髮，十輩乘朱輪。只取人看好，何益百年身。口願長今日，清樽對
故人。

江梅香冷淡，閑遍未全疎。已有耐寒蝶，雙飛上花須。今夜嚴城角，肯留花
在無。

我思五柳翁，解作一生事。得錢送酒家，便靜尋山寺。念我還如此，翁應會

人意

庭空日色靜樓迥鐘聲遲揭曉各爭席馴鴉更不疑向來復同去竟別我

為誰

謝甥有逸興李髯非不喜苦思夢春草醉狂眠酒家斯游無俗物傲倪至

昏鴉

寺古老僧靜亭陰脩竹多萊公作州日部曲屢經過衆堆誠公面倉石眠

綠莎

盛時衆吹噓詢去衆毀辱不為公存亡幽蘭春自綠欲書名相傳并得商

山竹

昔公調鼎實指顧九廟尊郡國富士馬于今開塞垣誰能起公死為國守

北門

出身世喪道解綬飢馳我杯中得醉鄉去就不復果豈謂俗人言達人儻

予可

少小尚狷介與常人不款置身稍雅容遇酒輒引滿自是鶴足長難齊鳧

脛短

效孔文與贈柳聖功六言

武庫五兵森森名駒萬里駸駸英風爽氣如林讀書數井欲深學道却要

無心

妙年玉質金相學問日月悠長良賈故要深藏屈體下心堂堂灰頭土面

輝光

王良終日馳驅曹商百乘從車七葉鼓舞群狙學問聖處功夫千古與我

友俱

清人犯戲效徐庾慢體

秋水無言度荷花稱意紅主人敬愛客催喚出房籠一斛明珠曲何時落

塞鴻試煩春第手聊為刺蓮蓬

一作撥萍蓬

障羞羅袂薄承汗領巾紅晚風斜萬髮逸艷昭窻籠胡琴抱明月寶瑟陣

歸鴻倚壁生蛛網年光如轉蓬

翡翠釵梁碧石榴帶指紅隙光斜斗帳香字冷薰籠聞道西飛燕將隨北

顧鴻鴛鴦會獨宿風雨打船蓬

戲書效樂天

造物生成嵇叔懶，好人容縱接輿狂。鳥飛魚泳隨高下，蟻集蜂衙聽典常。母惜此兒長道路，兄嗟子弟困冰霜。酒壺自是華胥國，一醉從他四大忙。

雜體

衝雨向萬載道中得道遙觀遂託宿戲題

道遙近道遠，想息慰備滿晴暉。時晦明謹語謹論，草萊荒蒙龍室屋壘。塵公僕僮侍偏側，涇渭清濁混。

演雅

桑蚕作繭自纏裹，蛛教結網自遮羅。燕無居舍經始忙，蝶為風光勾引破。老鴿銜石宿水飲，蜂趁衙世雀課鵲。傳舌話安得閑，鷄催晨曉不敢臥。氣陵千里蠅附驥，社過一生蟻旋磨。虱聞湯沸尚血食，雀喜宮成自相賀。晴天振羽樂蜉蝣，空穴祝兒成螺贏。結蟻轉丸，飛蘇合飛蛾赴燭，甘死禡井邊蠹。李蠶苦肥，枝頭飲露蟬常餓。大螻伏隙錄人語，射工含沙須影過。訓狐啄屋，具行怪，蜻蛚報喜，大多可。鷓鴣密伺魚蝦便，白鷺不禁塵土宛。絡緯何嘗省機織，布穀未應勤種播。五技鼯鼠笑鳩拙，百足馬蛇憐鱉跛。老蚌胎中珠是賊，蠶雞危裏天幾大。螳螂當轍恃長臂，熠燿宵行矜照火。提壺猶能勸沽酒，黃口只知負飯顛。自必饒舌，世不問鸚鵡，繞言便關鎖。春蛙夏蝈更嘈雜，土蚓壁蟬何碎瑣。江南野水碧於天，中有狎鷗閑似我。

雜言

再和公擇舅氏雜言

外家有金玉我躬之道術，有衣食我家之德心。使我蟬蛻俗學之市，烏哺仁人之林。養生事親，訖師古法。玉璽桂能至今，歲莫三十。裘食口三百指，寒不緝江南之落毛。飢不拾徂公之橡子。平生荆雞化黃鶴，今日江鷗作樊雉。人言无忌，似平之挽入書林。觀文字，更蒙著鞭翰墨場。贈研水蒼珪，玉方蓬。門擊馬，晚色淨茅簷。垂虹秋氣涼，泃拂垢面生寒光。漢隸畫呂規，甘陽呂翁之治與天通。不但澄潭燒鉉黃，初疑蠻溪水中骨。不見鸚鵡目突兀，但見受墨無聲松花發。頰似龍尾琢，紫煙不見羅縠紋。鄰但見含墨不泄，如寒淵往在海瀕。時晨夕親几杖，洛居有官次。遣吏問无恙，撫摩寶泓置道山。鬱鬱秀氣似舅眉，字間其重可以回進躁之首。其温可以解橫逆之顏。烏虛端是萬乘器，紅絲潭石之際知才難。

和曹子方雜言

正月尾，瑞雲如覆瓦，鴈作斜行書。三十六陂浸煙水，想對西江彭蠡湖。人言春色濃如酒，不見插秧吳女手。冷卿小鳩頗藏春，張侯官居柳對門。當風橫笛吹笛三弄，燒燭圍棋積九軍。盡是向來行樂事，每見琵琶憶朝雲。只今不舉蛾眉酒，紅蠶捍撥網蛛塵。曹侯束書小太僕，試說相馬猶可人。照夜白，真乘黃，萬馬同林隨低昂。一矢射落卓鵬雙，張侯猶思在戎行。橫山虎北開漢疆，冷卿智多髮蒼浪。牛刀發劔思一邦，政成十綴舞紅粧。兩侯不如曹子方，采頤論詩媚毛張。龜藏六用中有光，何時端能俱過我。掃除北寺讀書室，菊黃餅深江湯更碾龍，不入香。

次韻答曹子方雜言

酺池寺湯餅一齋，孟曲肱懶著書。騎馬天津看逝水，滿船風月憶江湖。往時及醉冷卿酒，伴兒琵琶春風手。竹間一夜鳥聲春，明朝醉起雪塞明。當年間說冷卿客，黃須鄴下曹將軍。挽弓石八不好武，讀書卧看三峯雲。誰憐相逢十載後，金裏生魚飽生塵。冷卿白首大官寺，樽前不復如花人。曹將軍江湖之上可相忘，春鉏對立鴛鴦雙。無機與游不亂行，何時解纜濯滄浪。喚取張侯來，丰章烹茶煮餅坐僧房。

擬古雜言

鴈鴈隨春風，過鄉縣煙雨昏。行不亂，同安樂。其憂患雲重重，不相見日昃。晡下平湖十五五，休黃蘆得粒不啄。鳴相呼，新婦見鴈懷征夫。上堂曳裙裾，四拜啓阿姑。寫作下堂勞苦。

人言鴈寄書，雷能寄書無。阿姑語新婦，古來無此事。今安得此語，新婦祝鴈好。自去勿學水中鱉，浴魚寄汝尺素上。有書塞北春寒用，當襦寄書與阿誰。我家蘇校尉，海上牧羊兒。為言妾能事君母，勿負漢恩作降虜。

雜言贈羅茂衡

嗟來茂衡學道如登欲，與天地為友。欲與日月並行，萬物崢嶸。本由心生，去子之取舍與愛憎。惟人自縛，非天賧。隋李筋骨堂堂法窟，九丘四溟同。一眼精不改五官之用，而透一色。常為萬物之宰，而無死生念。子坐幽室，爐香冉冉。真是謂蠶蟲欲作五豎驚之，以雷霆。

雜詩

雜詩七首

此身天地一蘆葦，世事消磨綠鬢疎。畢竟幾人真得鹿，不知終日夢為魚。

管巢燕燕幾時休在處成家春復秋歲歲自來還自去主人無厭客無求
飽甥官裏歎才難當日同朝聽直官尤武早知堯舜事只今那得子陵灘
少年不愛萬金身歌舞爭春秋送春滿眼紛華心秋莫長安市上酒家人
黃燼茶鼎偶然同晴日鴉啼柿葉風万事盡還翔居士百年常在大槐宮
古屋清寒雪未銷小窻晴日展芭蕉酸甘荔子嘗春酒更碾新芽薦菊苗
碧窓涼簟唯便睡露井無塵陰綠槐夢入醉鄉猶病渴輾轡聲到枕邊來

雜詩四首

扁舟江上未歸身明月清風作四鄰觀化悟來俱是妄漸疎人事與天親
佛子身歸樂國遙至人神會碧天寥劫灰沉盡還生在但向平沙看海潮
小德有為因有累至神無用故無功須知廣大精微處不在存亡得失中
黃帝煉丹求子母神農嘗藥辨君臣如何苦惡形中事憂患從來為有身

雜詩二首

迷情淡蕩不知津老却平生愛幻身滿眼紛華心寂寞長安市上酒家人
古風蕭索不言歸貧賤交情富貴非世祖今無天下量子陵何慕釣魚磯

類編增廣南昌大全文集卷第二十二



